



89 17



905161 II

Mag. St. Dr.






Bulla Canonizationis
S^Æ TERESIÆ
VIRGINIS,

*Tàm Fratrum, quàm Monialium Carmelitarum
Discalceatorum fundatricis,*

QVAM GREGORIUS XV.
simul cum Beatis

ISYDORO AGRICOLA Patrono Matriti,
IGNATIO LOYOLA Fundatore Societatis Iesu;
FRANCISCO XAVERIO ex eadem Societate;
Ac PHILIPPO NERIO fundatore Congregatio-
nis Oratorii, in Sanctorum numero
retulit.

Conueni Leopoliens Carmelitarum discal.



Primum ROMÆ, ex Typographia Camera Apost.
Anno M. DC. XXIII.

Deinde CRACOVIAE, ex Typographia Francisci
Cesarii, M. DC. XXV.

SEPTENTRIONALIS
VIRGINIAE

QUAM ORIGINIS XV

905161

II
Mag. & Dr.

Printed by ROBERT E. & T. J. P. at the
Press of M. D. C. XXIII
Printed by ROBERT E. & T. J. P. at the
Press of M. D. C. XXIII

Bibl. Jag.

St. Dr. 1989. K. 18581/2 (60)



GREGORIUS EPISCOPVS

Seruus seruorum Dei.

Ad perpetuam rei memoriam.



Onnipotens sermo Dei, cum de
sinu Patris ad hæc inferiora descē-
disset, vt erueret nos de potesta-
te tenebrarum, completo dispen-
sationis suæ, tempore, transitu-
rus de hoc mundo ad Patrem, ad
propagandam per totum terrarū
Orbem electorum suorum Eccle-
siam, quam sanguine suo acquisi-
uerat, eamque Verbo vitæ erudiendam, ad confunden-
dam sapientiam sapientium, & destruendam omnem alti-
tudinem, quæ aduersus Deum extollebatur, non multos
nobiles elegit, nec multos sapientes, sed contemptibiles
mundi; qui non in sublimitate sermonis, nec in humanæ
Sapientiæ verbo; sed in simplicitate & veritate ministe-
rium

rium suū, ad quod à diebus Æternitatis prædestinati erāt,
adimplerent: in sequentibus verò generationibus, cum
iuxta præordinata tempora plebem suam per seruos suos
fideles visitare dignatus est, plerumque paruulos, & humi-
les assumpsit; per quos Catholicæ Ecclesiæ ingentia præ-
staret beneficia: quibus ipse iuxta Verbum suum abscon-
dita à sapientibus, & prudentibus Regni cælestis ministe-
ria reuelaret; eosq; supernorum charismatum donis adeo
illustraret, vt omnium virtutum, ac bonorū operum exem-
plis Ecclesiam fouerent, ac signorum gloria clarificarent.
in diebus verò nostris fecit salutem magnam in manu fœ-
minæ: suscitauit enim in Ecclesia sua, veluti nouam Deb-
boram, Teresiam Virginem; quæ postquam mirabili vi-
ctoria carnem suam perpetua virginitate, mundum admi-
rabili humilitate, & cunctas adinventiones Diaboli mul-
tis, maximisq; virtutibus superasset, excelsiora moliens,
& virtutem sexus animi magnitudine supergressa accinxit
fortitudine lumbos suos, & roborauit brachium suum, &
instruxit exercitus fortium, qui pro domo Dei Sabahot, &
pro lege eius, & pro mandatis eius armis spiritualibus de-
certarent, quam Dominus ad tantum opus peragendum
abundanter impleuit Spiritu sapientiæ, & intellectus, &
thesauris gratiæ suæ adeo illustrauit, vt splendor eius, tan-
quam stella in Firmamento, fulgeat in domo Dei in per-
petuas æternitates. Dignum igitur, & cōgruum existimaui-
mus, vt quam Deus, & vnigenitus Filius eius Dominus no-
ster Iesus Christus, quasi sponsam ornatam corona, & de-
coratam monilibus suis in gloria miraculorum plebi suæ
manifestare dignatus est. Nos quoque pro Pastoralis solici-
tudine

tudine nostra in vniuersali Ecclesia; cui, licet meritis minimè suffragantibus, præsidemus; tanquam sanctam, & electam Dei colendam, & venerandam Apostolica auctoritate decreuerimus, vt omnes populi confiteantur Domino in omnibus mirabilibus eius, & cognoscat omnis caro, quoniam non defecerunt in diebus nostris miserationes ei². qui, quamuis peccatis nostris exigentibus visitet nos in virga indignationis suæ, non tamen continet in ira sua misericordias suas, dum in afflictionibus nostris nouis nos præsidijs munit, & amicos suos multiplicat, qui Ecclesiam suam meritorum, & intercessionum suffragiis protegant, ac defendant, atque vt vniuersi Christi fideles intelligant quam abundè in ancillam suam effuderit Deus de Spiritu suo, ac propterea erga ipsam deuotio in dies augeatur, insigniores quasdam eius virtutes, & aliqua ex magnalibus, quæ in manu eius operatus est Dominus, his literis duximus inferenda. Nata est Tereſia Abulæ in Regno Castellæ anno salutis humanæ, millesimo quingentesimo quinto decimo, parentibus vt genere præclaris, ita etiam vitæ integritate conspicuis. à quibus in timore Domini educata admirandum futuræ sanctitatis in tenerrima adhuc ætate specimen dedit: nam cum sanctorum Martyrum acta perlegeret, adeo sancti Spiritus igne cor eius intra eam cōcaluit, vt cum fratre germano etiam puero domo aufugerit, vt in Africam trajceret, vbi sanguinem, & vitam pro testimonio Iesu Christi profunderet. Sed occurſu patruī reuocata cum optimam sortem sibi ereptam esse iugibus lachrymis deploraret, ardēs martyrij desiderium elemosynis, alijsq; operibus compēsauit. Sed cum ad vigesimum

ætatis annum peruenisset, Christo se totam despondit, & vocationem, qua ab eo vocata erat agressa, ad moniales Sanctæ Mariæ de Monte Carmelo Ordinis Mitigati se contulit, vt plantata in domo Domini in atrijs domus Dei nostri floreret. professione itaque in eo monasterio emissâ, cum per duo de viginti annos grauissimis morbis, ac varijs præterea tentationibus vexata esset, nullisq; supernis consolationibus reficeretur, adeò inuictè adiuuante Domino omnia pertulit, vt probatio Fidei illius omni pretiofior auro, quod per ignem probatur, inuenta fuerit, in laudem, & gloriam, & honorem, in reuelationem Iesu Christi. Et quoniam ad erigendum sublime Christianarum virtutum ædificium fidei fundamentum ponendum fuit, illud adeò stabile, ac inconcussum Terefia collocauit, vt iuxta verbum Domini comparanda sit viro sapienti, qui ædificauit domum suam supra petram, ea etenim firmitate Sacrosanctæ Ecclesiæ Sacramenta, ceteraq; Catholicæ religionis dogmata credebat, & venerabatur, vt maiorem, vt ipsa sæpius testificabatur, de qualibet re certitudinem habere non posset. hac fidei lucerna illuminata Domini nostri Iesu Christi corpus in Sacratissima Eucharistia mentis oculis adeò clarè intuebatur, vt assereret nihil esse quod inuideret eorum beatitudini, qui corporeis oculis Dominum conspexissent, tantum autem viuæ spei in Domino collocauerat, vt iugiter deploraret, quod tādū in presenti mortali vita detineretur, quæ sibi impedimentum afferret, quò minus semper cum Domino esset. nec rarò dum in corde suo cælestis patriæ gaudia recogitabat, mente excedebat, & ad eorum fruitionem in carne rapiebatur. Sed
inter

inter ceteras Teresiæ virtutes præcipuè emicuit dilectio Dei; quæ adeò in corde eius exarsit, vt Confessarij ipsius Teresiæ charitatem, tanquam non hominis, sed Cherubin propriam admirarentur & celebrarent; quàm etiam Dominus noster Iesus Christus multis visionibus, ac reuelationibus mirabiliter auxit: quandoque enim data dextera, clauoq̃ue ostenso illam in sponsam suam adoptauit, atque his verbis alloqui dignatus est: deinceps vt vera sponsa meum zelabis honorem, iam ipse sum totus tuus, & tu tota mea, aliquando etiam Angelum vidit ignito iaculo sibi præcordia transuerberantem, ex quibus cælestibus donis diuini amoris flamma in eius corde adeò exestuabat, vt maximè arduum votum à Deo edocta emisit efficiendi semper quidquid perfectius esse, & ad maiorem Dei gloriam pertinere intelligeret. quin etiam post mortem cuidam moniali per visum manifestauit, se non vi morbi, sed ex intollerabili diuini amoris incendio vita excessisse, sed quamperpetua charitate proximum dilexerit multis argumentis manifestum fuit, sed præsertim ex ardenti desiderio, quo animarum salutem desiderabat. Infidelium enim, & Hæreticorum tenebras perpetuis lachrymis deflebat, ac pro eorum illuminatione non solum iuges ad Deum preces fundebat, sed & ieiunia, flagellationes, ac alias carnis macerationes offerebat. Proposuit etiam Sancta Virgo in corde suo nullum diem sine charitatis officio transigere, in quo etiam Deus ipsi auxilium præstitit: nunquam enim ei defuit ipso largiente exercendæ charitatis occasio. Mirabiliter autem imitata est Dominum nostrum Iesum Christum in dilectione inimicorum: nam cum ingentes pateretur persecutiones, & aduersitates, diligebat tamen persecu-

quen.

quentes; & orabat pro his, qui oderant se quin imò detri-
menta, & offensiones, quas perpetiebatur, amoris, & cha-
ritatis ipsi escam ministrabant, adeò vt viri graues dicere
solerent: qui amari à Terefia vellet, damno, aut iniuria, vt
eam afficeret, oportere. Vota verò, quæ in professione
Religionis Deo vouerat, maxima cura, ac diligentia reddi-
dit: nec enim tantummodo omnes exteriores actus superi-
orum arbitrio maxima cum humilitate spiritus perficie-
bat, sed firmiter etiam in corde suo constituit eorum vo-
luntati omnes etiam cogitationes suas subiicere, cuius etiã
rei egregia exempla reliquit: nam Dñum Iesum Christum
sibi sæpius apparentē aliquando à Confessarijs iussa, qui de-
lusam ab Angelo tenebrarū suspicabātur, humiliter irrisit,
spreuitq; sed non sine magno tam profundæ obedientiæ
præmio quin etiam volumen, quod in Cantica Cantico-
rum insigni pietate refertum scripserat, vt confessario ob-
temperaret, flammis iniecit. dicere autem solebat se in di-
scernēdis visionibus, ac reuelationibus decipi posse; in obe-
dientia verò superioribus præstanda falli non posse. pau-
pertatem adeò dilexit, vt non solum labore manuum sua-
rum victum sibi compararet: sed si quam monialem vilio-
ribus indutam vestimentis conspexisset, illicò sua cum illi-
us commutaret, ac si quando sibi necessaria deficerent,
mirificè lætaretur, & exultaret, gratiasq; Deo ageret, tan-
quam insigne aliquod consequuta beneficium: sed inter
cæteras eius virtutes, quibus quasi sponsa à Deo ornata mi-
rificè excelluit, integerrima efulsit castitas: quam adeò
eximiè coluit, vt non solum propositum virginittatis ser-
uandæ à pueritia conceptum vsque ad mortem perduxerit, sed

rit, sed omnis expertem maculæ angelicam in corpore, & corde seruauerit puritatem, quas adeò insignes virtutes mirifica humilitate cordis ornabat: cum etenim in dies diuinis charismatibus anima eius impinguaretur, sæpius exclamabat ad Dominum, vt beneficijs in eam suis terminū statueret, nec tam cito ingentium scelerum obliuisceretur, contumelias verò, & irrisiones ardentissimè sitiebat, ac non solum humanos honores, sed nosci quoque ab hominibus abhorrebat, inuictam autem huius Sanctæ Virginis patientiam illa vox attestatur, qua sæpius ad Dominum exclamabat: Domine aut pati, aut mori, præter hæc omnia diuinæ beneficentiæ munera, quibus hanc dilectam suam, quasi preciosis monilibus decoratā esse voluit omnipotens, alijs etiam gratijs, & donis abundè ipsam locupletauit: adimpleuit enim eā spiritu intelligentiæ, vt nō solum bonorū operum in Ecclesia Dei exempla relinqueret, sed & illām cælestis sapientiæ imbribus irrigaret, editis de mystica Theologia, alijsq; etiam multa pietate refertis libellis: ex quibus fidelium mentes vberriimos fructus percipiunt, & ad supernæ patriæ desiderium maximè excitantur, quibus cælestibus instructa, ac illustrata muneribus opus aggressa est maximum quidem, & cuicunque difficillimum, sed Ecclesiæ Christi per quam vtile, ac proficuum: reformationem enim exorsa est Ordinis Carmelitani: illudq; non solum in mulieribus, sed & in viris egregiè præstitit, ædificatis, non modo per vniuersas Hispanias, sed, & per alias etiā Christiani orbis partes, tam virorum quàm mulierum monasterijs, sine pecunia, sine prouentibus de sola Dei misericordia præsumens: nec modò omnibus huma-

nis destituta auxilijs, sed aduersantibus plerumque, ac
contradicientibus Principibus, & Potestatibus sæculi: quæ
tamen Domino opus suum confirmante radices miserunt,
incrementum susceperunt, & demum in domo Dei vber-
es prouentus fructificarunt, tantas virtutes Teresiæ plu-
rimis, dum adhuc in humanis ageret, miraculis Deus illu-
strauit, quorum nonnulla præsentibus literis duximus in-
ferenda. Cum in Conchenfi Diœcesi maxima esset fru-
menti penuria, atque in monasterio de Villa noua de Xa-
ra vix tantum farinæ reperiretur, vt per integrum mensem
ad victum, decem & octo monialium satis esset, huius
Sanctæ Virginis meritis, & intercessione Deus omni-
potens, qui sperantes in se enutrit, eam adeò abundare fecit
vt quamuis per sex menses ex ea affatim panes ad refecti-
onem ancillarum Dei fierent, nunquam tamen vsque ad
nouas fruges diminueretur. Graui erysipilate in vultu ac
febri afflictabatur Anna à Trinitate monialis Conuentus
Medinæ de Campo, cui Teresia primum blandita, dein-
de læsa membra leuiter attrectans, bono animo, inquit, sis
ilia, Deus, vt spero te hoc morbo liberabit, statimq; febris,
omnisq; morbus ab ea abscessit. Alberta eiusdem mona-
sterij Priorissa pleuritide, ac febre non absque vitæ pericu-
lo laborabat; at Sancta Virgo Teresia tacto latere, quod
morbo vrgebatur, eam sanam esse pronunciauit, ac surge-
re iussit, illa perfectè sanata, statim è lecto exilijs laudans
Deum. Adueniente demum tempore, quo pro tot labori-
bus pro diuino honore exhaustis, ac tot bonis operibus in
Ecclesiæ vtilitatem perpetratis coronam decoris de manu
Dei esset receptura, graui morbo Albæ decubens, cum to-
to in-

to infirmitatis tempore frequētes, ac plenē admirabiles de
diuina charitate cum sororibus sermones habuisset; sæpi-
us gratias Deo agens, quod se Catholicæ Ecclesiæ aggre-
gasset; commendans, tanquam præcipua bona, pauperta-
tem, ac debitam præpositis obedientiam; accepto humil-
limē, ac cum cælesti prorsus charitate sacro peregrinatio-
nis suæ viatico, ac extremæ vnctionis Sacramento, Chri-
sti Crucifixi effigiem manutenens ad cælestem patriam
euolauit. Pluribus verò signis manifestauit Deus quàm
sublimem gloriæ gradum Terefiæ elargitus in cælis esset:
multæ etenim moniales religiosæ, actimentes Deū, vide-
runt decorem gloriæ eius. Alia etenim conspexit supra
tectum Ecclesiæ, & in Choro; & super decumbentis cubi-
culum multitudinem cælestium luminarium, alia Chri-
stum Dominum magno corruscantem splendore, & ingens
ti Angelorum frequentia circumdatū, eius lecto assisten-
tem; alia plurimos albis amictos vestibus ipsius cellam in-
gredientes, ac cubili circumfufos. quædam etiam in ipso
transitus momento candidam columbam ex ipsius ore in
cælum euolantem, alia splendorem, cryftalli instar, fene-
stra egredientem vidit, quin etiam quædam arbor calce,
ac macerie obstrueta, ac iamdudum arida, quæ cubiculo
proxima erat, præter omnem temporis, & naturæ rationē
repente floribus onusta, in ipsa trāsitus hora apparuit. cor-
pus exanime speciosissimū, ac nulla ruga cōtractū, ac miro
decoratū cādore apparuit, ac vna cū vestib^o, linteolis, qui-
bus ægravsa erat omnib⁹ admirātib⁹ mirificè spirās odorē,
multa magnalia quæ meritis Ancillæ suæ operatus est De-
ipsum in Paradisum transitum exultabilem reddiderunt,
quædam etenim monialis dudum capitis, & oculorum in-

infirmirate laborans , apprehensâ mortuæ Virginis manu
ac capiti oculisque admotâ statim conualuit; altera item
eius exosculatis pedibus sensum odoratus amissum recu-
perauit, & corporaliter odorem vnguentorum, quo sacro-
sanctû eius corpus à Domino perfulum erat, percepit. cor-
pus eius absque vlllo prorsus medicamine ligneo loculo
inclusum, altè effossa ad sepulturam humio, ac ingentibus
lapidibus, & calce oppleta, scrobe sepultum est. sed è se-
pulchro eius odor adeò ingens, ac mirificus emanabat; vt
decretum fuerit sacrum corpus exhumare, atq; illud sanè
integrum, ac incorruptum, ac flexibile, ac si nuper tumu-
latum fuisset, repertum fuit, odorato liquore circumfusum
quo perenniter vsq; in præsentem diem, Deo ancillæ suæ
sanctitatem iugi miraculo attestante, desudat. quare alijs
vestibus indutum, nouaq; arca inclusum, cum priora com-
putruissent, eodem loco conditum fuit. lapioq; triennio,
cum rursus ipsius monumentum aperiretur, vt sacrum pi-
gnus Abulam asportaretur, ac deinceps frequenter iussu
Delegatorum Apostolicorum inuiferetur, semper incor-
ruptum, ac tractabile eodem odore, ac liquore perfusum
apparuit. Sed & procedentibus temporibus manifestauit
Deus hominibus gloriam suam præstitis per intercessionē
ancillæ suæ frequentibus beneficijs his, qui se fideliter ei
precibus commendaissent: puer etenim quidam quadri-
ennis adeò contractus, ac detortus erat, vt nec pedibus infi-
stere, nec cum iaceret, corpus mouere posset; eaq; infirmi-
tas, cum illi à natiuitate fuisset, nullumq; afferret doloris
sensum, incurabilis prorsus videbatur, cumq; per nouem
dies ad cubiculum, quod viuens sancta Virgo inhabitaue-
rat,

rat, allatus fuisset, sensit in se virtutem venientem, ac repē-
tè sanus, ac validus, ac suis pedibus ambulans, stupentibus
cunctis, cepit diffamare se à matre Teresia de Iesu perfe-
ctam sanitatem fuisse consequutum. Sæuissimis doloribus
per biennium cruciabatur Anna à Sancto Michaelē mo-
nialis, tribus cancris pectus eius adeò affligentibus, vt non
solū somni expers esset, sed nec collū flectere, nec brachia
posset attollere, cumq; particulam reliquiarum Sanctæ Te-
resia super pectus apposuisset, & toto cordis affectu se e-
ius patrocinio commendasset, non solū omnis euauit
plaga à corpore eius, sed, & alia etiam, quam in corde diu
habuerat, infirmitate libera momēto temporis affecta est.
Adeò vexabatur Franciscus Perez Parochialis Ecclesie
Rector apostemate, quod in os pectoris infederat, vt bra-
chio etiam contracto, à celebratione sacrosancti Missæ
sacrificij per quinque menses impediretur, humanisq; re-
medijs deficientibus ad diuina confugit, & ad montes
Dei eleuans oculos salutem consequutus est; Epistolam
enim Virginis Teresia manu exaratam pectori admonens,
consequutus est eius partis sanitatem, cumq; deinde sepul-
crum Virginis visitasset, eiusq; brachium, quod Albæ as-
seruatur, proprio brachio, quod adhuc contractum erat
admouisset, in eo etiam diuinam virtutem expertus est,
restituta sibi perfecta valetudine. Ioannes de Leyua ma-
gno gutturis morbo adeò affligebatur, vt omnis respirati-
onis via ferè interclusa esset, iamq; morti proximus ani-
mam agebat, cum sudarium, quod Sanctæ Teresia fuerat,
ad morbi locum magna cum fiducia apposuit, somnoq; ca-
ptus, ac paulo post experrectus, se meritis Beatæ Teresia

curatum esse repente sanus exclamauit. Cum igitur per vniuersas iam gentes, & nationes sanctitas Teresiæ celebraretur & nomen ipsius ad Christifideles magno in honore esset, operante Domino per intercessionem eius tot mirabilia, quæ etiam in dies vna cum ipsius veneratione augebantur, fuerunt auctoritate ordinaria in multis Hispaniæ partibus formati processus, ac ad sanctam hanc Sedem transmissi, & instanter agente claræ memoriæ Philippo III. Hispaniæ Rege Catholico negotio, tam in Sacra Rituum Congregatione, quàm in Rota diligenter discussio, fel. recor. Paulus V. prædecessor noster indulgit, vt in eius honorem tanquam de B. Virgine diuinum officium in toto Fratrum Carmelitanorum Ordine posset celebrari. Cumq; idem Philippus Rex iterum apud prædictum Paulum similiter prædecessorem nostrum pro Canonizatione B. Virginis Teresiæ supplicasset, idem Paulus iterum negotium commisit Cardinalibus Sac. Rituum Congregationis, qui novos processus auctoritate Apostolica conficiendos decreuerunt, atque ad id munus peragendum bo. mem. Bernardum Cardinalem de Rojas Archiepiscopum Toletanum, & venerabiles Fratres Episcopos Abulen. & Salmantin. eadem auctoritate deputarunt: qui cum diligenter de mandato negotio perfuncti essent, omnia acta eidem Paulo V. prædecessori nostro transmiserunt. Qui tribus Apostolici Palatii causarum Auditoribus Francisco Archiepiscopo Damasceno Locumtenenti, nunc S. R. E. Cardinali, Ioanni Baptistæ Coccino Decano, & Alphonso Manzanedo dedit in mandatis, vt summa cum diligentia dicta acta examinarent; & quæ eorum sententia esset ad
ipsum

ipsum referrent, qui omnibus accuratè, prout rei magnitudo postulabat, perpensis, eidem Paulo V. prædecessori retulerunt plenè iustificari vitæ sanctitatem, ac miracula Beatæ Virginis Teresiæ, omniaq; abundè constare, quæ pro Canonizatione eiusdem à Sacr. Canonibus requiruntur, posseq; ad vltiora procedi. Utq; ea maturitate, quæ rem tantam decebat, negotium transfigeretur, idem Paulus dilectis filiis nostris S. R. E. Cardinalibus Sacris Ritibus Præfectis ordinavit, vt prædictos processus quam diligentissimè rursus inspicerent, ac de tota causâ accuratè cognoscerent. Cum verò idem Paulus humanæ peregrinationis viam compleuisset, Nosq; (nullis licet nostris meritis) sola diuinæ gratiæ dignatione ad Ecclesiæ gubernacula vocati essemus ad augmentum diuini honoris, & Sanctæ Ecclesiæ vtilitatem pertinere arbitrati sumus, vt huiusmodi negotium promoueretur. plurimum etiam ad præsentium temporum calamitatem leuandam interesse existimauius, si Christi fidelium deuotio erga Sanctos, & electos Dei, qui pro nobis in tantis necessitatibus intercederent, augeretur. mandauimus itaque prædictis Cardinalibus, vt quod illis à prædecessore nostro prædicto fuerat iniunctum quamprimum exequerentur. Quod cum illi ea diligentia, qua decebat, perfecissent, ac pro sanctæ Virginis Canonizatione omnes vnanimiter censuissent, Venerabilis Frater noster Franciscus Maria Episc. Portuen. Cardinalis à Monte totius processus summam, ac suam, collegarumq; sententiam coram Nobis in Consistorio nostro exposuit, quibus auditis reliqui Cardinales, qui aderant ad vltiora fore procedendum communi

suffra-

suffragio pronunciarunt. Igitur cum in publico Consistorio dilectus filius Iulius Zambeccarius, Consistorialis aulae nostrae Aduocatus pro eius Canonizatione perorasset, ac nomine charissimi in Christo filij nostri Philippi Hispaniarum Regis Catholici, vt ad eam procedere dignaremur humiliter supplicasset, Nos de re tanta venerabiles fratres nostros S. R. E. Cardinales, & Episcopos in Curia praesentes consulturos esse respondimus, atque interim Cardinales, atque Episcopos praesentes vehementer in visceribus Christi hortati sumus. vt orationibus instantes in ieiunijs, & eleemosynis animas suas coram Deo nobiscum humiliantes, preces à Deo Patre luminum exposcerent, vt ex alto super nos lucem suam & veritatem suam emitteret, quae nos ad voluntatem, & beneplacitum eius cognoscendum, & perficiendum deduceret; itaq; cum semipublico Consistorio, quod consequenter celebratum est, vocatis non modò Cardinalibus, sed Patriarchis, Archiepiscopis, & Episcopis in Curia nostra existentibus, praesentibus etiam nostris, ac Sedis Apostolicae Notariis, ac Sacri Palatij Apost. Causarum Auditoribus, cum plura à Nobis de eximia sanctitate ancillae Dei, ac miraculorum frequentia & celebritate, populorumque erga eam per vniuersas Christianas nationes deuotione, commemorata fuissent. expositis etiam instantijs, quae coram nobis non modò nomine maximorum Regum, sed etiam charissimi in Christo filij nostri Ferdinandi Romanorum Regis in Imperatorem electi, aliorumq; complurium Christianorum Principum fiebant, omnes concorditer, ac vno ore benedicentes Deum, amicos suos honorificantem Beatam Teresiam

fiam canonizandam esse, atque inter sanctas Virgines ad-
scribendam censuerunt. quorum omnium audito consen-
su intimo cordis affectu exultauimus in Domino, & iubila-
uimus in salutari eius, gratias agentes Deo, & Filio eius
Domino nostro Iesu Christo, quod Ecclesiam suam mise-
ricorditer respexisset, ac tanta gloria illustrare decreuisset.
Canonizationis itaque publicauimus diem, eosdemque
fratres, ac filios nostros monuimus, vt in orationibus, &
elemosynis perseuerarent, vt in tanto opere exequendo
splendor Domini Dei nostri esset super nos, qui opus ma-
num nostrarum ad perficiendam eius voluntatem diri-
geret. Demum peractis omnibus, quæ ex Sacris Constitu-
tionibus, ac Romanæ Ecclesiæ consuetudine peragenda e-
rant hodie in Sacrosancta Principis Apostolorum Basilica
cum venerabilibus fratribus nostris S. R. E. Cardinalibus,
necnon Patriarchis, Archiepiscopis, & Episcopis, Roma-
næq; Curiae Prælati, Officialibus, & Familiaribus nostris,
Clero seculari, & regulari, ac maxima populi frequentia
conuenimus, vbi repetitis pro Canonizationis Decreto
petitionibus nomine eiusdem charissimi in Christo Filij
nostri Philippi Regis Catholici à dilecto Filio nostro Lu-
douico, tit. Sanctæ Mariæ Transpontinæ Cardinali Ludo-
uicio nuncupato, nostro secundum carnem nepote, per lu-
lium Aducatum prædictum decantatis Sacris Precibus, &
Litanijs, ac Spiritus sancti gratia humiliter implorata. Ad
honorem Sanctæ & indiuiduæ Trinitatis, & Fidei Catho-
licæ exaltationem, auctoritate omnipotentis Dei Patris,
& Filij, & Spiritus sancti, Beatorum Apostolorum, ac no-
stra, de venerabilium fratrum nostrorum S. R. E. Cardina-

lium, Patriarcharum, Archiepiscoporum, & Episcoporum
in Romana Curia presentium consilio, ac vnanimi consen-
suo: mem: Teresiam Virginem de Abula, de cuius vita
sanctitate, fidei sinceritate, & miraculorum excellentia ple-
ne constabat, & constat, ac Sanctam esse diffiniuimus, ac
Sanctarum Virginum Cathalogo adscribendam decreui-
mus, prout presentium tenore diffinimus, decernimus,
& adscribimus, illamque vniuersos Christifideles tanquam
verè Sanctam honorare, & venerari mandauimus, & man-
damus, statuentes, vt ab vniuersali Ecclesia in eius honore
Ecclesiæ, & altaria, in quibus Sacrificia Deo offerantur, æ-
dificari, & consecrari, & singulis annis die quinta Octo-
bris, quo ad cælestem gloriam translata est, eius officium,
vt de Sancta Virgine ad præscriptum Romani Breuiarii ce-
lebrari possit, eademque auctoritate omnibus Christi fide-
libus verè poenitentibus, & confessis, qui annis singulis eo-
dem festo die ad sepulcrum in quo corpus eius requiescit,
visitandum accesserint, vnum annum, & vnam quadrage-
nam, ijs verò, qui in eiusdem festi octaua quadraginta dies
de iniunctis eis, seu quomodolibet debitis poenitentijs mi-
sericorditer in Domino relaxauimus ac relaxamus. Postre-
mo gratijs Deo actis, quod Ecclesiam suam insigni hoc,
nouoque luminari illustrare dignatus esset, decantata in
Sanctæ Teresiæ honorem solemnibus sanctarum Virginum o-
ratione, ad Altare Principis Apostolorum Missam cele-
brauimus, cum eiusdem Sanctæ Virginis commemoratione,
omnibusque Christi fidelibus tunc presentibus plena-
am omnium peccatorum suorum Indulgentiam concess-
imus. Decet igitur vt protam insigni beneficio, omnes
cum

cum omni humilitate benedicamus, & glorificemus eum,
quem decet omnis benedictio, & honor, & gloria, & po-
testas in secula seculorum assiduis precibus ab eo postulā-
tes, vt per intercessionem electæ suæ à peccatis nostris fa-
ciem suam auertens nō mereatur nostri, & respiciat nos, &
ostendat nobis lucem misericordiarum suarum, & immit-
tat timorem suum super gentes, quæ non cognouerunt
eum, vt cognoscant, quia non est alius Deus, nisi Deus no-
ster. Cæterum quia difficile foret præsentibus nostras lite-
ras ad singula loca vbi opus esset deferri, volumus, vt earū
exemplis etiam impressis, manu publici Notarij subscri-
ptis, & sigillo alicuius personæ in dignitate Ecclesiastica
constitutæ munitis, eadem vbique fides habeatur, quæ ip-
sis præsentibus adhiberetur, si essent exhibitæ, vel ostensæ.
Nulli ergo omnino hominum liceat hanc paginam nostro-
rum diffinitionis, decreti, adscriptionis, mandati, statuti,
relaxationis, & voluntatis infringere, vel ei ausu temera-
rio contraire. Si quis autem hoc attentare præsumperit,
indignationem omnipotentis Dei, ac Beatorum Petri &
Pauli Apostolorum eius, se noverit incursum. Dat. Ro-
mæ apud Sanctum Petrum, Anno Incarnationis Domini-
cæ, Millesimo Sexcentenno, Vigesimo Secundo quarto
Id. Martij. Pontificatus nostri Anno secundo.

✠ Ego Gregorius Catholicae Ecclesiae Episcopus.



✠ Ego Antonius Cardinalis Saulius Decanus.

✠ Ego Franciscus Maria Cardinalis á Monte Episcopus Portuensis.

✠ Ego Franciscus Sfortia Cardinalis Episcopus Tusculanus.

✠ Ego Alexand. Card. Montaltus Episcopus Albanen. S. R. E. Vicecancellarius.

✠ Ego Octavius Episcopus Prænestinus Cardinalis Bandinus.

✠ Ego

- ✠ Ego A. tt. S. Laurentij in Lucina Præsbyter
Cardinalis Perettus.
- ✠ Ego Io. Baptista SS. Petri, & Marcellini præf-
byter Cardinalis Detus.
- ✠ Ego Dominicus Cardinalis SS. Apostolo-
rum Gimnadius.
- ✠ Ego Carolus tt. S. Cæsarei Cardinalis Ma-
drucius.
- ✠ Ego Stt. S. Chrysogoni Præsbyter Cardi-
nalis Burghesius.
- ✠ Ego M. tit. S. Onuphrij Præsbyter Cardina-
lis Barberinus.
- ✠ Ego I. G. tt. SS. quatuor Coronatorū Præf-
byter Cardinalis Millinus.
- ✠ Ego M. SS. Quirici, & Iulitæ Præsbyter Car-
dinalis Lantes.
- ✠ Ego Fabricius tt. S. Augnſtini Præsbyter Car-
dinalis Verallus.
- ✠ Ego Io. B. tit. S. Cæciliæ Præsbyter Cardi-
nalis Lenius.
- ✠ Ego Dominicus tt. S. Martini in Montibus
Præsbyter Cardinalis Riuarola.
- ✠ Ego G. Cardinalis Borgia tit. S. Crucis in
Ierusalem.

✠ Ego R. tit. S. Alexij Præsbyter Cardinalis
Vbaldinus.

✠ Ego Tib. tit. S. Priscæ Præsbyter Cardinalis
Mutus.

✠ Ego Gabriel tit. S. Bartholomæi in Insula
Præbbyter Cardinalis de Treio.

✠ Ego S. Præsbyter Cardinalis S. Susannæ
S. R. E. Bibliothecarius.

✠ Ego Guido tt. S. Mariæ de populo Præsbyt.
Cardinalis Bentiuolius

✠ Ego P. Saluatoris in Lauro Præsbyter
Cardinalis Valerius.

✠ Ego Itel. Fridericus tit. S. Laurentij in Pa-
nisperna Cardinalis de Zollerem.

✠ Ego Iulius S. Mariæ supra Mineruam Cardi-
nalis Roma.

✠ Ego Fr. Desiderius tit. S. Clementis Cardi-
nalis de Cremona.

✠ Ego Stephanus tit. S. Mariæ in Via Cardi-
nalis Pignattellus.

✠ Ego Fr. tit. S. Matthæi in Merulana Præsbyt.
Cardinalis Sacratius.

✠ Ego M. Ant. S. Eusebij Præsbyter Catdina-
lis Gozadinus.

Ego

- ✠ Ego Alexander tit. S. Mariæ in vita lata Car-
dinalis Estensis.
- ✠ Ego Carolus Emanuel S. Nicolai in carcere
Tulliano Cardinalis Pius.
- ✠ Ego Mauritius S. Eustachij Diaconus Card.
de Sabaudia.
- ✠ Ego Carolus S. Mariæ in Dominica Card.
Medices.
- ✠ Ego Ludouicus tit. S. Adriani Cardinalis
de la Vallette.
- ✠ Ego Fr. S. Angeli in foro piscium Diaconus
Cardinalis Boncompagnus.
- ✠ Ego Hippolytus S. Mariæ Nouæ Cardina-
lis Aldobrandinus.

Registrata in Secretaria Breuium.

1840

1841

1842

1843

1844

1845

1846

1847

1848

1849

1850

1851

1852

1853

1854

1855

1856

1857

1858

1859

1860

1861

1862

1863

1864

1865

1866

1867

1868

1869

1870

1871

1872

1873

1874

1875

1876

1877

1878

1879

1880

1881

1882

1883

1884

1885

1886

1887

1888

1889

1890

1891

1892

1893

1894

1895


1896


1897

1898

1899

1900





50,000-

